

K J A R V A L S S T A Ð I R

Þjóðar að þessu sinni upp á sýningu á verkum nokkurra íslenskra leikmyndateiknara og ber hún heitið LEIKMYNDIN. Leikhúsvverk er í eðli sínu hópvinna þar sem margir leggja hönd á plóginn. Leikmyndagerð er þáttur í því starfi, en engu að síður sjálfstæð listgrein, þar sem tilraunastarfsemi hefur aukist mjög á síðari árum. Hér á landi hafa vel menntaðir nýliðar best í hópinn á síðustu árum; starfandi myndlistarmenn hafa tekið að sér einstök verkefni hjá leikhúsunum, og Félag leikmyndateiknara á aðild að Félagi íslenskra leikara. Það eru ekki aðeins atvinnuleikhúsin sem hér leggja til aukinn metnað. Eftir því sem leikfélögunum úti á landsbyggðinni hefur aukist ásmegin, hafa þau einnig ráðið til sín leikmyndahönnuði jafnt og leikstjóra. — Þessari sýningu er á engan hátt ætlað að vera yfirlit eða úttekt þess sem verið hefur að gerast í þessari listgrein undanfarið; nokkrir af okkar þekktustu leikmynda-teiknurum eru ekki með vegna anna á öðrum stöðum, Björn G. Björnsson, Jón Þórisson og Snorri Sveinn Friðriksson svo nokkrir séu nefndir, og af þeim sökum m. a. gerir þessi sýning nánast engin skil leikmyndagerð í sjónvarpi og kvikmyndum. — Hér kennir margra grasa: frumdrættir, búningateikningar, leikmunir, grímar, ljósmyndir, jafnvel heil leiktjöld. Þetta eru fjölbreytt sýnishorn fremur en að rakin sé þróun eða fylgt ákveðnu þema. En tilgangurinn er ekki að síður að vera augljós: að gera gestum grein fyrir mikilvegi þeirrar myndlistar sem mótar ramma, stíl og heildaryfirbragð leiksýningar. Og þessari leikmyndasýningu tengist einmitt lifandi leiksýning: FLUGLEIKUR Þjóðleikhússins verður hér á hverju kvöldi í þessum sama sal meðan sýningin stendur yfir, og er þannig skemmtilegur hluti af sýningunni. Þeir sem taka þátt í sýningunni LEIKMYNDIN eru:

Baltasar

Birgir Engilberts

Guðrún Svava Svavarsdóttir

Gunnar Bjarnason

Gylfi Gíslason

Jón Benediktsson

Lárus Ingólfsson

Magnús Pálsson

Magnús Tómasson

Messíana Tómasdóttir

Sigurjón Jóhannsson

Steinþór Sigurðsson

Valgerður Bergsdóttir

Þórunn Sigríður Þorgrímsdóttir.